

書名 唐詩品彙九十卷拾遺十卷 嘉靖十六年序刊本
 撰者 明 高棟 輯
 卷 卷十
 內容分類 集-總集-各代-唐
 索書號 集部-總集-35
 編號 D7841100

卷十

彩色首頁1

東洋文化研究所漢籍目錄 編號: D7841100

東洋文化研究所漢籍目錄所藏漢籍善本全文影像資料庫 索書號: 集部-總集-35

漢籍善本全文影像資料庫文本 唐詩品彙九十卷拾遺十卷 嘉靖十六年序刊本

版權所有: 東京大學 東洋文化研究所

使用上的注意事項

唐詩品彙拾遺卷之一

五言古詩上

太宗皇帝 五首

帝京篇 三首

落日雙闕昏 迴輿九重暮
 長煙散初暝 皎月澄輕素
 朱幌翫琴書 開軒引雲霧
 斜漢耿層閣 清風搖玉樹

二

加臨樂館 眺聽歡芳節
 急管韻朱絃 清歌凝白雪
 鳳蕭來儀玄鶴 紛成列
 去茲鄭衛聲 雅音方可悅

三

新寧高棟編

唐詩品彙卷之十

新寧高棟編

五言古詩

名家^{上之}

王昌齡

殷云元嘉以還四百年內曹劉陸謝風骨頗
 盡賴有太原王昌齡魯國儲光羲頗從取跡
 且兩賢氣同體別而王稍声俊至如明堂坐
 天子月朔朝諸侯清樂動千門皇風被九州
 慶雲從東來決滌抱日流又雲起大華峰雲
 山相明滅東風始亟景了了見松雪又指
 無冬春柯葉連峰稍陰壁下蒼黑烟含清江
 樓疊沙積為岡崩剥雨露幽石脉盡橫亘潛
 潭何時流又京門望西岳百里見郊對飛雨
 祠上來靄然關中暮又好雄乃得志遂使群
 心搖赤風蕩中原烈火無遁策一人計不用
 萬望空蕭條又百泉勢相蕩巨石皆卻立昏



為蛟龍怒清見雷雨入又去時三十萬獨自
還長安不信沙場苦君看刀箭瘢又芦荻寒
滄江石頭岸邊飲又長安酒未酬千里風動
地天仗森練雪疑身騎鉄驄自鷹臂斯並鷲
耳駭目今畧舉其十數句則中興高作可知
矣余嘗觀王公長平伏冤文吊枳道賦仁有
餘也奈何晚節不矜細行謗議弗騰再歷
荒使知音歎息○唐史稱其詩緒密而思清
時謂王江寧云蓋昌齡嘗出官江寧故岑參
亦有送王大昌齡赴江寧詩昌齡又有別意
猿鳥外天寒桂水長等
句見僧皎然杼山詩式

塞上曲

蟬鳴桑柘間八月蕭關道出塞入塞寒
處處黃蘆草從來幽并客皆共沙塵老
莫學遊俠兒矜誇紫騮好

其二

飲馬渡秋水水寒風似刀平沙日未沒
黯黯見臨洮

昔日長城戰咸言意氣壯高皇厚厭是
今古白骨亂蓬蒿

其三

秋風夜渡河吹卻鴈門桑遙見胡地
獨韃馬宿嚴霜五道分兵去孤軍百戰
場功多翻下獄士卒但心傷

少年行

西陵俠少年送客短長亭青槐夾兩道
白馬如流星聞有羽書急單于寇并陞
氣高輕走難誰碩燕山銘

從軍行

向夕臨大荒朔風軫歸慮平沙萬里餘
飛鳥宿何處虜騎徇長原翩翩傍河去
邊聲搖白草海氣橫黃霧百戰苦風塵
十年履霜露雖投定遠筆未望將軍劄

早知行路難悔不理章句

長歌行

曠野饒悲風颼颼多蒿草繫馬倚白楊誰知我懷抱
所是同袍者相逢盡衰老况登漢家陵南望長安道
上有枯樹根下有石鼠窩高皇子孫盡千載無人過
寶玉頻發掘精靈其奈何人生須達命有酒且高歌

放歌行

南渡洛陽津西望十二樓明堂坐天子月朔朝諸侯
清樂動千門皇風被九州慶雲從東來決瀉抱日流
昇平貴論道文墨將何求有詔徵草澤微誠將獻謀
冠冕如星照拜揖曹與周望塵非吾事入賦且遲留

幸蒙國士識因脫負薪裘今者放歌行以慰梁甫愁
但營數斗祿奉養母豐羞願得金膏遂飛雲亦可傳

初日

初日淨金闈先照床前煖斜光入羅幙稍稍親綵管
雲髮不能梳楊花更吹滿

太湖秋夕

水宿煙雨寒洞庭霜落微月明移舟去夜靜魂夢歸
暗覺海風度蕭蕭聞鴈飛

宿裴氏山庄

蒼蒼竹林暮吾亦知所投靜坐山齋月清溪聞遠流
西峰下微雨向晚白雲收遂解塵中組終南春可遊

聞

靜法師東齋

築山在人境遂得真隱情春盡草木變雨來池館清
琴書全雅道視聽已無生閉戶晚三界白雲自虛盈

路府客亭寄崔鳳童

蕭條郡城閉旅館空寒煙秋月對愁客山鐘搖春天
新知偶相訪斗酒情依然一宿阻長會清風徒滿川

送李濯遊江東

清洛日夜漲微風引孤舟離腸便千里遠夢生江樓
楚國橙橘暗吳門煙雨秋東南具今古歸望山雲收

山中別龐十

幽陰松篠逕月出寒蟬鳴散髮卧其下誰知孤隱情

吟時白雲合釣處玄潭清瓊樹芳木鬱鳳兮保其真

齋心

女蘿覆石壁溪水幽朦朧紫萸黃花娟娟寒露中
朝飲
勤斂花上露夜卧松下風雲英化為水光彩與我同

日月蕩精魄寥寥天府空

同從弟銷南齋翫月憶山陰崔少府

高卧南齋時開帷月初吐清輝淡水木演漾在窓戶
冉冉幾盈虛澌澌變今古美人清江畔是夜越吟苦
千里其如何微風吹蘭杜

巴陵劉處士東齋作

劉士隱岳陽心遠洞庭水偃帆入山郭一宿楚雲裏

春作暮

竹映秋館深月寒江門起煙波桂陽接日久數千里
孑孑清夜猿孤舟雙如此湘中有來應雨雪候音旨

九江口作

漣漣江勢濶雨開潯陽秋驛門是高岸望盡黃蘆州
水與五溪合心期萬里遊明時無棄材謫去隨孤舟
驚鳥立寒木丈夫佩吳鉤何當報君恩却繫風霜頭

獨遊

林卧情自閑獨遊景常晏時從灞陵下隨釣往南澗
手携雙魚魚目送千里鴈悟彼飛有適知此罹憂患
僧皎然云取糶生目送歸鴻手携五絃俯仰自得遊心太玄之意也放之清冷泉因得
省疎慢永懷青岑客迴首白雲間超然物無違豈繫

名與宦

灞上閑居

鴻都有歸客偃卧滋陽村軒冕無枉顧清川照我門
空林網夕陽寒鳥赴幽園廓落時得意懷哉莫與言
庭前有孤鶴欲啄常翩翩為我啣素書吊彼顏與原
二君既不朽所以慰其魂

過華陰

雲起太華山雲山互明滅東峰始含景了了見松雪
羈人感幽栖宵映轉竒絕欣然忘所疲永望吟不輟
信宿百餘里出關玩新月何意昨冥冥遇物遂遷別
人生屢如此何以肆愉快

東京府縣諸公與綦母潛李頎相送至白

馬寺宿

鞍馬上東門徘徊入孤舟賢豪相追送即棹千里流
赤峰落日在空波微煙收宦薄忘機樞醉來却淹留
月明見古寺林下登高樓南風開長廊夏夜如涼秋
江月照吳縣西歸夢中游

諸官遊招隱寺

山館人已空青蘿換風雨自從永明世月向龍宮吐
鑿井長幽泉白雲今如古應真坐松栢錫杖掛窓戶
口云七十餘能救諸有苦回指岩壑花如聞道場鼓
金色身壞滅真如性無主僚友同一心清光遣誰取

風涼原上作

陰岑宿雲歸霧露滋松栢風淒日初晚下嶺望川澤
遠山無遺明秋水千里白佳氣盤未央聖人在疑碧
關門阻天下信是帝王宅海內方晏然廟堂有奇策
時直守全運罷去遊說客余忝蘭臺人幽尋免貽責

江上聞笛

橫笛怨江月扁舟何處尋聲長楚山外曲繞胡閨深
相去萬餘里遥傳此夜心寥寥浦叙寒響盡唯空林
不知誰家子復奏邯鄲音水寒皆擁棹空霜遂盈襟
羸馬望北走遷人悲越吟何當邊草白旌節隴城陰

詠史

荷畚至洛陽牧馬屯北門天下裂其土豺狼滿中原
明夷方濟世歛翼黃埃昏披雲見龍顏始蒙國士恩
位重謀亦深所舉無遺奔長策寄臨終東南不可吞
賢智苟有時貧賤何所論唯然嵩山老而後知我言
訓鴻臚裴主簿雨後北樓見贈此篇又見
暮霞照新晴歸雲猶相逐有懷晨昏暇想見登眺日
問禮侍彤襜題詩訪茅屋高樓多古今陳事滿陵谷
地久微子封臺餘孝王築徘徊顧雲漢豁達俯川陸
遠水對孤城長天向喬木公門何清靜列戟森已肅
不嘆携手稀常思著鞭速終當拂羽翰輕舉隨鴻鵠

觀江淮名山圖

刻意吟雲山尤知隱淪妙遠公何為者再詣臨海嶠
而我高其風披圖得遺照援毫無逃境遂展千里眺
淡掃荆門壁明標赤城燒青葱林間嶺隱見淮海激
但指香爐頂無聞白猿嘯沙門既云滅獨往豈殊調
感對懷拂衣胡寧事漁釣安期始遺鳥千古謝榮耀
接跡庶可齊滄浪有孤棹

送十二兵曹

縣職如長纓終日檢我身平明趨郡府不得展故人
故人念江湖富貴如埃塵跡在戎府掾心遊天台春
獨立浦邊鶴白雲長相親南風忽至與分散還入秦
寒夜天光白海靜月色真對坐論歲暮絃歌起無因

平生驅馳分非謂酒杯仁出處兩不合忠貞何由伸
看君孤舟去且欲歌垂綸

綏氏尉沈興宗置酒南溪留贈

林色與溪古深篁隱幽翠山尊在漁舟棹月情已醉
始窮清源口壑絕人境異春泉滴空崖萌草拆陰地
火之風榛寂遠聞樵聲至海鴈時獨飛永然滄洲意
古時青冥客滅跡淪一尉吾子躊躕心豈其紛埃事
緱岑信所尅濟北予乃遂齊物意已會息有理猶未
卷舒形性表脫畧賢哲議乘月期角巾飯僧嵩易寺

鄭縣宿陶大公館贈馮六元二

儒有輕王侯脫略當世務本家藍田中非為漁弋故

無何困躬耕且欲馳永路幽居與君近出谷同所務
昨日辭石門五年變秋露雲龍未相感干謁亦已屢
子為黃綬羈余忝蓬山顧京門望西岳百里見郊對
飛雨祠上來靄然閔中暮驅車鄭城宿秉燭論往素
山月出華陰開此河渚霧清光比故人豁達展心晤
馮公尚戢翼元子仍跼步拂衣易為高論跡難有趣
張范善始終吾等豈不慕罷酒當涼風屈伸備宣數

代扶風主人答

殺氣凝不流風悲月彩寒浮埃起四遠遊子迷不歡
依然宿扶風沽酒聊自寬寸心亦知理長缺誰能彈
主人就我飲願我還慨然便泣數行淚因歌行路難

歎未

沙

十五役邊城，三回討樓蘭。連年不解甲，積日無所食。
將軍降匈奴，國使沒桑乾。去時三十萬，獨自還長安。
不信殺場苦，君看刀箭瘢。鄉親零落盡，塚墓亦摧殘。
仰攀青松枝，慟絕摧心肝。禽獸悲不去，路傍誰忍看。
幸逢休明代，寰宇靜波瀾。老馬思伏櫪，長鳴力已殫。
少年與運會，何事發悲端。天子初封禪，賢良刷羽翰。
三邊悉如此，否泰亦須觀。

儲光義

啟璠云儲公詩格高調逸趣遠情深削盡
常言扶風雅之道得浩然之氣述華清宮
詩云山門入松柏天路涵虛空又華清宮
詩云山開鳴濛色天轉招搖星比例數百句
已累見荆揚集不復廣引璠嘗觀公正論
十五卷九經外義疏世卷言博理當定可

野田黃雀行

謂經國之大材。樂城遺言云儲光
義詩高處似陶淵明平處似王摩詰

嘖嘖野田雀，不知軀體微。開穿深叢裏，爭食亦爭飛。
窮老一類舍，棗多桑葉稀。無棗猶可食，無桑何以依。
蕭條空蒼暮，相引時來歸。斜路豈不捷，渚田豈不肥。
水長路且壞，惻惻與心違。劉頊溪云與寄雜出無不
有味愈古愈淡愈淡愈濃

樵父詞

山北餒朽木，山南多枯枝。枯枝作採薪，斃室私自知。
詰朝礪斧，尋視暮行歌。歸先雪隱薜荔，迎暄卧菜茨。
清澗日濯足，喬林時曝衣。終年登險阻，不復憂安危。
蕩漾與神遊，莫知是與非。劉云不憂已好神遊更高
是在莊子言外實証實悟



漁父詞

澤魚多鳴水溪魚好上流漁梁不得意下渚潛垂釣
亂葍時碍楫新蘆復隱舟靜言念終始安坐看泥淨
素髮隨風揚遠心與雲遊逆浪還極浦信潮下滄洲
非為狗形後所樂在行休

牧童詞

不言牧田遠不道牧陂深所念牛馴擾不詭牧童心
圓笠覆我首長蓑披我襟方將憂暑雨亦以懼寒陰
大牛隱層坎小牛穿近林同類相鼓舞觸物成謳吟
取樂須臾問寧問聲與音

採蓮詞

淺渚荇花亂深潭菱葉踈獨往方自得耻邀淇上姝
廣江無術阡大澤絕方隅浪中海童語林下鮫人居
春鴈時隱舟新萍復滿湖采采乘日養不思賢與愚

劉云必欲
總與人異

採菱詞

濁水菱葉肥清水菱葉鮮義不遊濁水志士多苦言
潮沒具區藪潦深雲夢田朝隨北風去暮逐南風旋
浦口多漁家相與邀我船飯稻以終日尊羨將永年
方冬水物窮又欲休山樊盡室相隨從所貴無憂患
劉云懇款備至
不在多不在深

射雉詞

八百里持一矢

曝暄理新翳。迎春射鳴雉。原田遙一色。皋陸曠千里。
遙聞伊喔聲。時見雙飛起。鷲歷踈高下。毳毳深叢裏。
顧敵已忘生。爭雄方決死。仁心貴勇義。豈能復傷此。
超遙下故墟。迢遞田高時。大夫昔何苦。取笑歡妻子。
劉云只如此
自極餘味

猛虎詞

寒亦不憂雪。飢亦不食人。人肉豈不甘。所惡傷明神。
大室為我宅。孟門為我隣。百獸為我膳。五龍為我賓。
蒙馬一何威。浮江亦以仁。彩章耀朝日。爪牙雄武臣。
高雲逐氣浮。厚地隨聲震。君能賈餘勇。日夕長相親。
劉云諸詞一樣得古
章句體不須別意

釣魚灣

岳釣綠灣春。春深杏花亂。潭清疑水淺。荷動知魚散。
日暮待情人。維舟綠楊岸。

幽居

幽人下山徑。去去夾青林。滑處每芒屨。暗中蘿薜深。
春朝煙雨散。猶帶浮雲陰。

題太玄觀

門外車馬喧。門裏宮殿清。行即翳若木。坐即吹玉笙。
所喧既非我。是劉云真道其冥冥。

述華清宮

上林神君宮。此地即明庭。山開鴻濛色。天轉招搖星。

三雪報大有孰謂非我靈

劉云得洞歌體

貽肅鍊師

精思莫知日意靜如空虛三鳥自來去九光遙卷舒
彩地近天井玉宇停雲重余亦苦山路洗心祈道書
霽後詒馬十一巽

高天風雨散清氣在園林况我夜初靜當軒鳴綠琴
雲開北堂月庭滿南山陰不見長裾者空歌遊子吟

題陸山人樓

暮聲雜初鴈夜色兩早秋獨見海中月照君池上樓
山雲拂高棟天漢入雲流不惜朝光滿其如千里遊

陸著作作輓辭

世業江湖側郊園休沐處猶言五日歸未道千秋去
鄉亭春水綠昌閣寒光暮昔日為書錦遊今成逝川路

劉云好似選詩

歸路秦城下寒雲慘平田故園滄海邊綠柳覆平川
送客異他日還舟殊昔年華亭有明月長向隴頭懸

泛茅山東溪

清晨登僊峰峰峰遠行未極江海霽初景草木含新色
而我任天和此時聊動息望鄉白雲裏發棹清溪側
松栢生深山無心自貞直

喫茗粥作

當書暑氣盛鳥雀靜不飛念君高梧陰復解山中衣

數片遠雲度，曾不蔽炎暉。淹留膳茶粥，共我飯蕨薇。
敝廬既不遠，日暮徐徐歸。

游茅山首五

十年別鄉縣，西去入皇州。此意在觀國，不言空遠遊。
九衢平若水，利往來輕舟。北洛反初路，東江還故丘。
春山多秀木，碧澗盡清流。不見子桑扈，當從方外求。

劉云甚悲

其二

世業傳儒行，行成非不榮。其如懷獨善，況以聞長生。
家近華陽洞，早年深此情。巾車雲路入，理棹瑤溪行。
天地朝光滿，江山春色明。王逵有軒冕，此日方知輕。

其三

平生非作者，望古懷清芬。心以道為際，行將時不群。
茲山在人境，靈贖久傳聞。遠勢一峰出，近形千嶂分。
冬春有茂草，朝暮多鮮雲。此去亦何極，但言西日曛。

其四

昔賢居柱下，今我去人間。良以直心曠，兼之外視閑。
垂綸非釣國，好學異希顏。落日登高嶼，悠然望遠山。
溪流碧水去，雲帶清陰還。想見中林士，岩扉長不關。

其五

名岳徵僊事，清都訪道書。山門入松柏，天路涵空虚。
南極見朝采，西潭聞夜漁。遠心尚雲宿，浪跡出林居。

為已存實際忘形同化初此行良已矣不樂復何如

述降聖觀

一山盡天苑一峰開道宮
道花飛羽衛天鳥遊雲空
玉殿俯玄水春旗搖素風
夾門小松栢覆井新梧桐
自昔大山下乃知元化功
神皇作桂館此意與天通

題曠上人禪居

真王清淨子燕居復行心
結字隣居邑寤言非遠尋
丹青丈室蒲草樹一庭深
秀色玄冬發交枝白日陰
江流映朱戶山鳥鳴香林
獨往已寂寂安知浮與沉

過新豐道中

二十八年有詔種果

西下長樂坂東入新豐道
雨多車馬稀道上生秋草

太陰闕臯陸不知晚與早
雷雨杳冥冥川谷漫浩浩
詔書植嘉木衆言堯李好
自愧無此容歸從漢陰老

夜到京口入黃河

河洲多青草朝暮增客愁
客愁惜朝暮枉者暫停舟
中宵大川靜解纜逐歸流
浦溆既清曠公泗非阻脩
登艫望落月擊汰悲新秋
倘遇乘槎客永言星漢遊

使過彈箏峽作

鳥雀知天雪群飛復群鳴
原田無遺粟日暮滿空城
達士憂世務鄙夫念王程
晨過彈箏峽馬足凌兢行
雙壁隱靈曜莫能知晦明
皚皚堅冰白漫漫陰雲平
始信古人言苦節不可貞

行子苦風泊來舟貽潘少府潘時在後浦

行子苦風潮維舟未能發宵分卷前幔卧視清秋月
四澤蕪葭深中洲烟火絕蒼蒼水霧起落落疎星後
所遇盡漁樵與言多楚越其如念極浦又以思明哲
常若千餘里况之異鄉別

仲夏入園東坡

方塘深且廣伊昔俯吾廬環岸垂綠柳盈潭發紅蕖
上延北原秀近屬幽人居暑雨若混沌清明如空虛
此鄉多隱逸水陸見樵漁廢賞亦何貴為歡良易據
且言重觀國當此賦歸歎

效古二

晨登涼風臺暮走邯鄲道曜靈何赫烈四野無青草
大軍北集燕天子西居鎬婦人後州縣下男事征討
老幼相別離哭泣無昏早稼穡既殄絕川澤復枯槁
曠哉遠此憂冥冥商山皓

二

東風吹大河河水如倒流河洲塵沙起有若黃雲浮
頽霞燒廣澤洪曜赫高丘野老泣相語無地可蔭休
翰林有客卿獨負蒼生憂中夜起躑躅思欲獻厥謀
君門峻且深跡足空夷猶

雜詩二

混沌本無象末路多是非達士志寥廓所在能忘機

研鑿時未至還山聊采薇虎豹對我蹲鸞鶴傍我飛
仙人空中來謂我勿復歸格澤為君駕虹蜺為君衣
西游崑崙墟可與世人違

二

秋氣肅天地太行高崔嵬猿鼯清夜吟其聲亦何哀
寂寞掩葦葦夢寐遊蓬萊琪樹遠亭亭玉堂雲中開
洪崖吹簫管玉女飄飄來雨師既洗道後路無纖埃
鄙哉楚襄王獨如陽雲臺

終南幽館獻蘇侍郎

中歲尚微道始知將谷神抗策遠南山水木自相親
深林開一道青嶂成四隣平明去採薇日入行刈薪

雲歸萬壑暗雪罷千岩春始看玄鳥來已見瑤華新
寄言褻芳者無迺後時人劉云清
洒深厭

卜築青岩裏雲蘿四垂陰虛室若無人喬木自成林
時有清風至側聞採樵音劉云幽
素成章鳳凰鳴南岡望望
隔層岑既言山路遠復道溪流深倏佻空中遊虬龍
水中吟何當見輕翼為我達遠心

題應聖觀

空中望小山山下見餘雪皎皎河漢女在茲養直骨
登明駭天書啟籙問仙訣池光搖水霧銜色連松月
合埽起花臺折草成玉節天鷄弄白衣王母垂玄髮
北有上年宮一路在雲霓上心方嚮道時復遊金闕

至閑居精舍即天后故宮

太室三招提其趣皆不同不同非一趣况是天遊宮
雙嶺前夾門閣道復橫空寶坊若花積宛轉不可窮
流泉自成池青松信饒風秋晏景氣迴晶明丹素功
近將隱者隣遠與西上通大師假惠照念以息微躬

酬基母校書夢遊耶溪見贈之作

校文在仙掖每有滄洲心况以北窓下夢遊清溪陰
春有湖口漫夜入迴塘深往往纜垂葛出舟望前林
山人松下飭釣客蘆中吟小隱何足貴長年固可尋
還車首東道惠言若南金以我採薇意傳之天姥岑

田家即事

蒲葉日已長杏花日已滋老農要看此貴不違天時

呂氏春秋云冬至五句葛始生昔者草之先者也於是始耕汜勝之書云杏始榮華輒耕輕土迎晨

起飯牛雙駕耕東菑蚯蚓土中出田鳥隨我飛群合

亂啄噪嗷嗷如道飢我心多側隱此兩傷悲撥食

與田鳥由暮空筐歸親戚更相誚我心終不移劉云非

初志忽轉及此故以為貴

同王十三維偶然作首四

仲夏日中時草木看欲焦田家惜功力把鋤來東臬
顧望浮雲陰徃徃誤傷苗歸來悲困極兄嫂共相饒
無錢可沽酒何以解劬勞夜深星漢明庭宇虛寥寥
高柳三五株可以獨逍遙

北山種松栢南山種蒺藜出入雖同趣所向各有宜
孔丘貴仁義老氏好無為我心若虛空此道將安施
躔過伊闕間晚晚三伏時高閣入雲中芙蓉滿清池
要自非我室還望南山陲

三

野老本貧賤冒暑鋤瓜田一畦未及終對下高枕眠
荷蓀者誰子皤皤來息肩不復問鄉墟相見但依然
腹中無一物高話羲皇年落日臨層隅道遙望晴川
使婦持蚕筐呼童傍漁船悠悠泛綠水去摘浦中蓮
蓮花艷且美使我不能還劉云又入別調轉覺幽遠何也

四

浮雲在虛空隨風復卷舒我心方處順動作何憂虞
但言嬰世網不復得閑居迢迢別東國超遙來西都
見人乃恭敬會不問賢愚雖若不能言中心亦難誣
故鄉滿親戚道遠日以踈偶欲陳此意復無南飛鳥

田家雜興八首

劉云首首皆妙有此田家

春至鷓鴣鳴薄言向田墅不能自力作龜勉娶隣女
既念生子孫方思廣田圃閑時相顧笑喜悅好禾黍
夜夜登嘯臺南望洞庭渚百草被霜露秋山響砧杵
却羨故年時中情無所取劉云真隱者違俗之談

二

衆人耻貧賤。相與尚膏腴。我情既浩蕩。所樂在畋漁。
山澤時晦冥。歸家斲閑居。滿園種葵藿。繞屋樹桑榆。
禽雀知我閑。朔集依我廬。所願在優游。州縣莫相呼。
日與南山老。兀然傾一壺。劉云洲明之趣

三

逍遙阡陌上。遠近無相識。落日照秋山。千岩同一色。
網罟繞深莽。鷹鷂輕翼翼。猶馬既如風。奔獸莫敢息。
駐旗滄海上。犒士吳宮側。楚國有夫人。性情本貞直。
鮮禽徒白致。終歲竟不食。劉云似是息婦嬌不意出此

四

田家趨隴畝。當晝掩虛閤。隣里無烟火。兒童共幽閑。
桔槔懸空圃。鷄犬滿桑間。時來農事隙。採藥遊名山。
但言所採多。不念路險艱。人生如蜉蝣。一往不可攀。
君看西王母。千載芙蓉顏。

五

貧士養情性。不復知憂樂。劉云又好云去家行賣畚。留滯南
陽郭。秋至黍苗黃。無人可刈穫。孺子朝未飯。把竿逐
鳥雀。忽見梁將軍。乘車出宛洛。意氣軼道路。光輝滿
墟洛。安知負薪者。啜啜笑輕薄。

六

楚山有高士。梁國有遺老。築室既相隣。同田復同道。
糗糒常共飯。兒孫每更抱。忘此耕耨勞。愧彼風雨好。

蟪蛄鳴空澤。鷓鴣傷秋草。日夕寒風來。衣裳苦不早。

劉云別是一種
意態言外悄然

七

梧桐蔭我門。薜荔網我屋。超超兩夫婦。朝出暮還宿。
稼穡既自種。牛羊還自牧。日旰懶耕鋤。登高望川陸。
空山足禽獸。墟落多喬木。白馬誰家兒。聯翩相馳逐。

劉云不着一語
意自然个中

八

種桑百餘樹。種黍三十畝。衣食既有餘。時時會賓友。
夏來菰米飯。秋至菊花酒。孺人喜逢迎。稚子解趨走。
日暮閉園裏。團團陰榆柳。酌酎乘夜歸。涼風吹戶牖。

清淺望河漢。低昂看北斗。數躔猶未開。明朝能飲否。

劉云此陶差律
而瞻然各自好

唐詩品彙卷之十